

UPMKB-Tokyo NODAI sepakat pulihara ekosistem unik bakau

Kerjasama pertahan khazanah alam di Sarawak, selain perkukuh hubungan akademik

Oleh Noor Eszereen Juferi
bhpendidikan@bh.com.my

Bintulu: Institut EkoSains Borneo (IEB), Universiti Putra Malaysia Kampus Bintulu Sarawak (UPMKB) dengan kerjasama Universiti Pertanian Tokyo (Tokyo NODAI) menganjurkan Tokyo NODAI-UPMKB 'Borneo Mangrove Exploration Student Inbound Program 2025' bagi memperkukuhkan kerjasama pemuliharaan bakau di Sarawak.

Program yang berlangsung di

Kuala Sibuti, Sarawak, menghimpunkan 10 ahli dari Kelab Penyelidikan Bakau Tokyo NODAI untuk mengkaji dan mengalami sendiri ekosistem bakau di Borneo.

Pengarah Program, Dr Keeren Sundara Rajoo, berkata kerjasama antarabangsa seperti ini penting dalam memelihara ekosistem unik Borneo, selain memperkukuh hubungan akademik antara UPMKB dan Tokyo NODAI.

"Inisiatif seperti ini bukan sahaja memberi manfaat kepada pelajar tetapi juga menyumbang kepada usaha pemeliharaan ekosistem bakau yang kritikal bagi keseimbangan alam sekitar dan kelestarian biodiversiti," katanya.

Beri pendedahan

Sementara itu, Pengarah IEB, UPMKB, Dr Syeed Saifulazry Osman Al-Edrus, berkata program ini bertujuan memberikan pendedahan kepada peserta mengenai kepentingan ekosistem bakau dan usaha pemuliharaannya.

"Melalui program ini peserta



Keeren Sundara (tiga dari kiri belakang) bersama peserta 'Tokyo NODAI-UPMKB Borneo Mangrove Exploration Student Inbound Program 2025'.

(Foto ihsan UPMKB)

dapat memahami secara langsung kepelbagaian biologi bakau di Sarawak serta cabaran pemuliharaannya. Kajian lapangan ini juga membolehkan mereka memperoleh pengalaman praktikal dalam usaha konservasi.

"Kerjasama ini juga bukan saja memperkukuh pemahaman pela-

jar mengenai pemuliharaan bakau, malah kami dalam memupuk pertukaran akademik antarabangsa ke arah kelestarian alam sekitar," katanya.

Pelajar jurusan perhutanan dari Tokyo NODAI, Naoki Kato, berkata program ini memberinya pengalaman pertama meneroka

ekosistem bakau di Borneo dan memperkukuhkan pemahaman dalam bidang perhutanan.

"Saya berharap program ini dapat dijadikan sebagai inisiatif tahunan untuk kelab kami dalam memberi lebih banyak peluang kepada pelajar untuk menjalankan penyelidikan," katanya.